

SIDADI DI BOSTON: FUNDU DI ALIVIU PA ARENDAMENTU



FUNDU DI ALIVIU PA ARENDAMENTU

Apoiou pa Bostonianus en risku di perdi ses kaza na undi es ta mora di renda pur kauza di Covid-19.

Pa sabi mas sobri kualifikason y komu ki ta kandidatadu, konsulta
boston.gov/rental-relief

Fundu di Aliviu pa arendamentu di Sidadi di Boston foi stabelesidu pa djuda abitantis di Boston ki ta kori risku di perdi ses kaza na undi es ta mora komu inkilinupur kauza di pandemia COVID-19. Es fundu é administradu y jeridu pa Skritóriu di Stabilidadi Abitasional (Office of Housing Stability - OHS) en parseria ku ajénsia di abitason sen fins lukrativu.

Kuzê ki Fundu di Aliviu pa Arendamentu ta fazi?

Fundu di Aliviu pa arendamentu ta fornesi até \$ 15.000 na forma di arendamento y asisténsia ku servisus públiku pa famílias ku rendimentu kualifikadu ti 12 mes. Famílias kualifikadu podi resebi asisténsia ku renda atrazadu y renda na futuru. Famílias ki ta resebi asisténsia pa renda na futuru stá ta bai nesesita di rekonfirma renda na kada 3 mes pa verifika kontinuidadi di nesesidadi.



Fundu di Aliviu pa Arendamentu di Sidadi di Boston ta podi ausilia inkilinus ku sigintis despezas:

- Pagamentu atrazadu (a partir di 13 di marsu di 2020), atual, y ti três mês di kustus di renda previstu
- Pagamentu atrazadu (a partir di 13 di marsu di 2020), atual, ô ti três mês di servisus públiku speradu (ta inklui interneti) y despezas di enerjia na kaza (\$ 1.500 di subsíduo pa servisus públiku)
- Kustus di mudansa dentu di Sidadi di Boston

Kel finansiamentu ka podi ser utilizadu pa kes sigintis kuzas:

- Renda ô kontas di servisus públiku atrazadu antis di 13 di marsu di 2020.
- Pagamentus pa kazas di reabilitason
- Pagamentus pa proprietárius ki é di parenti ô familiaris (a naun ser si parenti stá inkorporadu komu LLC)

Kenha ki stá kualifikadu pa resebi asisténsia ku renda?

Kes kandidatu devi:

- ser rezidenti na Sidadi di Boston; Y
- ter un rendimentu familiar konprovadu igual ô inferior ki 80% di Renda Média di Área (AMI); Y
- ser ekunómikamenti afetadu pur COVID-19; Y
- stá en risku di fika sen tetu y/ô instabilidadi abitacional; Y
- Ka ser un studenti universitáriu en tenpu integral ô un studenti pós graduadu

Famílias subsidiadu

- Sidadi di Boston y Autoridadi Abitacional di Boston (Boston Housing Authority-BHA) ta stabelesi un fundu dedikadu pa rezidentis di abitason públiku di BHA ku renda atrazadu. Famílias ku atrazu na propriedadis di BHA na perídu di 13 di marsu di 2020 ti data di oji devi entra en kontaktu ku jestor di propriedadi. Tanbe bu podi manda e-mail pa rental.re lief@bostonhousing.org.
- Si bu for un destinatáriu di Sesón 8/MRVP, prienxi un kandidatura pa RAFT ([disponível ali](#)) ô asisténsia pa renda di ABCD [ali](#).



PERGUNTAS MAS FREKUENTIS (FAQs)

KUALIFIKASON (KENHA KI PODI KANDIDATA)

Es programa é pa kenza?

Fundu di Aliviu pa arendamentu di Sidadi di Boston é projetadu pa inkilinus di renda kualifikadu na Boston ki foi ekunómikamenti afetadu pur pandemia di COVID-19 y ki ta presiza di dapoiu pa paga ses renda y/ô servisus públiku. Rezidentis kualifikadus ta ganha menus ki 80% di [Rendimento Médio di Área \(AMI\)](#) anualmenti, ki é di aprosimadament \$ 77.000 pa un rezidénsia ku dôs pesoa.

Kuzê ki ta konta pa ser ekunómikamenti afetadu pur pandemia di Covid-19?

Ifeitu Ekunómiku pur kauza di COVID-19 ta inklui:

- Perdi bu rendimentu pur kauza di enseramentu di atividadis di empregador
- Trabadja poku óras pur kauza di reduson fetu pur empregador
- Perda di jardin di infânsia y/ô enseramentu di skolas pur kauza di COVID-19
- Perda di empregu y/ô inkapasidadi di trabadja pur kauza di aumentu di risku di COVID-19
- Perda di empregu pa kuida di un menbru di família duenti ô na kuarentena ku COVID-19

N ta mora na un kaza público. N stá kualifikadu?

Sidadi di Boston y Autoridadi Abitacional di Boston (Boston Housing Authority-BHA) ta stabelesi un fundu dedikadu pa rezidentis di abitason público di BHA ku renda atrazadu. Kes famílias ku atrazus na paga renda di kazas di BHA, na periudu di 13 di marsu di 2020 ti es data di oji, devi kontakta ajénsia ki pasa ses vali ô manda e-mail pa rental.re lief@bostonhousing.org.

N ta mora na un unidadi di abitason na presus asesivel ku renda restritu patrosinadu pa LITHC. N stá kualifikadu?

Sin, kes kandidatu ki ta mora na abitason ekunómiku stá kualifikadu, desdi ki es ka ta resebi un subsídu federal di renda.

Un ô mas menbrus di nha família ka ten dokumentu. N stá kualifikadu?

Sin, bu stá kualifikadu. Situason di imigrason ka ta afeta kualifikason.

**N ta mora ku kolegas di kuartu. Tudu kes menbrus di kaza devi kandidata?**

- Si bu tiver pididu bu parti di renda, bu nómi devi stá na kontratu di arendamentu.
- Si bu tiver pididu valor total di renda, bu stá ta bai mesti di renda di tudu menbrus di kaza pa determina kualifikason di menbrus di kaza pa asisténsia. Si bu skodji es opson pur favor manda un kandidatura di kada menbru di kaza.

N stá ta subarenda kaza. N stá kualifikadu?

Sin, kandidatus ki stá ta subarenda stá kualifikadu ma es stá ta bai mesti fornesi kontratu di arendamentu ô uza nôs modelu pa un kontratu di inkilinu.

N ten un despeju pendenti. N stá kualifikadu? Es programa podi djudá-N?

Sin. Si bu tiver un despeju pendenti pur kauza di falta di pagamentu di renda relasionadu ku COVID, bu podi ainda kandidata, desdi ki bu ka foi despejadu y tiradu di kel unidad. Pur favor informa bu proprietariu, reprezentason legal, ajénsia di akonselhamento finanseru y/ô juiz di Kamara Munisipal (si aplikavel) ki bu kandidata pa es programa.

Proprietarius stá kualifikadu pa es programa?

Naun, Fundu di Aliviu pa arendamentu stá disponível sô pa inkilinus di Sidade di Boston. Proprietarius di kaza ki stá ta enfrenta difikuldadis ku pagamentu di Ipoteka devi ten en konsiderason Renda di Emerjénsia y Asisténsia Ipotékáriu (Emergency Rent & Mortgage Assistance - ERMA) ki ta podi satisfazi bus nesesidadi (mas informason sobri es dôs programas stá disponível [ali](#))

Y en relason a rezidentis ki ka ta satisfzai kritérius di Fundu di Aliviu pa arendamentu?

Nu sabi ki nu ka ta podi djuda tudu rezidentis di Sidadi di Boston afetadu pur COVID-19. Ekipa di Skritóriu di Stabilidadi Abitacional stá prontu pa djuda rezidentis y atxa ôtus fontis di apoiu di governu stadual y federal ô di organizason sen fins lukrativu lokal y nasional. Pur favor kontata Skritóriu di Stabilidadi Abitacional na 617-635-4200 ô manda e-mail pa housingstability@boston.gov.

UZU DI FINANSIAMENTU (KAL TIPU DI DESPEZA PODI SER KOBERTU)**Di kal forma rezidentis podi uza es fundus?**

Famílias kualifikadu podi resebi até \$ 15.000 pa prezerva ses arendamentu ô ter asesu a un novu abitason permanenti na Sidadi di Boston, ta paga pelu menus un parti di renda di primeru y últimu mes, kauson y despezas di mudansa. Finansiamentu tanbe podi ser utilizadu pa asisténsia ku servisus públiku.

**Kal servisus podi ser kobertu?**

Despezas di servisus públiku kualifikadu ta inklui iletrisdadi, óliu pa akesimentu, gás natural y, sin, servisu di Internet.

Kal otus kustu é kobertu?

Tanbe stá kobertu pa es finansiamentu ôtus despezas relacionadus ku abitason, diretu ô indiretamenti pur kauza di COVID-19. Kes kustus ta inklui:

- Despezas di mudansa y armazenamentu;
- Kauson pa un unidadi di arendamentu na Sidadi di Boston;
- Renda di primeru mês pa un unidadi di arendamentu na Sidadi di Boston;
- Renda di mês pasadu pa un unidadi di arendamentu na Sidadi di Boston; y
- Multa di renda atrazadu razoavel.

Kes despeza di riba ka podi ultrapasa \$ 15.000 y es ka stá ta bai ser fornesidu pur un perídu superior a dozi (12) mês.

Stá ta ben ter algun servisu oferesidu pa famílias dizabrigadu ki ta podi eziji un kustu adisional?

Sin. Servisus konpletu, ta inklui buska di abitason, asisténsia juridiku, akonselhamentu sobri direitus di inkilinu y referéncias adisional podi ser fornesidu pa OHS y ses ajénsia parseru.

DISTRIBUISON DI FINANSIAMENTU (DI KAL FORMA FINANSIAMENTU É ATRIBUIDU Y DISTRIBUÍDU)**Di kal forma ki pagamentus é fetu?**

Pa renda, pagamentus é fetu diretamenti pa proprietáriu

Pa servisus públiku, pagamentus é fetu diretamenti pa fornesedor di servisus públiku

Pagamentus é mandadu via xeki di banku ô ACH diretamenti pa proprietáriu y/ô fornesedor di servisus públiku. Pagamentu devi txiga dentu di 7 a 10 dia dipôs di notifikason di un kandidatura aprobadu.

Di kal forma ta disididu kenha ki ta resebi asisténsia?

Kandidatura stá ta bai pasa pa un análisis antis, dipos di ser mandadu. Dipos di es verifikasión inisial di kualifikason y material konpletu, kandidatura stá ta bai pasa pa un verifikasión final ku un di kes três ajénsias parseru di finansiamentu. Duranti prosesu di verifikasión final, ekipa di ajénsias parseru stá ta bai verifica kualifikason di AMI, stá ta bai fazi un kálculo di nesesidadi y stá ta bai pidi dokumentason nesesariu di proprietáriu/administrador di propriedadi.

**Si N solisita asisténsia, N ten garantia di resebê-l?**

Naun. Nu ta fazi previzon ma nu stá ta bai resebi txeu pedidus pa Fundu di Aliviu pa Arendamentu. Infelismenti, ka tudu kandidatu ki stá ta bai resebi asisténsia. Nu ten un montanti limitadu di finansiamentu disponivel na momentu y nu stá ta bai fazi pagamentu ti ki finansiamentu sgota.

N presiza kandidata novamenti si djá N tiver resebidu asisténsia?

Sin. Es é un novu programa ku un novu finansiamentu, bu stá ta bai mesti manda un novu kandidatura.

PROSESU DE KANDIDATURA (KUZÊ KI N PRESIZA PA KANDIDATA Y KUZÊ KI TA KONTISI DIPOS KI N MANDA UN KANDIDATURA)**Kal dokumentus N stá ta bai ter ki fornesi?**

- Kópia di kontratu di arendamentu a kurtu ô longu prazu asinadu(modelu di kontratu di inkilinu disponvel ali)
- Fotografia di xefi di família
- Resibus di pagamentu atual (dôs resibu di pagamentu mas resentí)
- Dokumentason di benefísius di dizenpregu (si aplikável)
- Dokumentason di kandidatura na MassHealth (opsional)
- Dokumentason di SNAP/EBT (opsional)

Y si N ka tiver un kontratu di arendamentu?

Nu ta kria un modelu di kontratu di inkilinu (li) ki kandidatus podi uza pa satisfazi es rekizitu di dokumentason. Bu stá ta bai mesti proprietáriu/administrador di propriedadi asina es formuláriu. Asinatura iletróniku é aseitu. Tanba nu ta aseita un deklarason pur skritu di proprietáriu/administrador di propriedadi ô konta di servisus públiku pagu ku enderesu listadu sima konprovanti di rezidénsia.

E si N ka ta moraba na nha kaza di renda atual óras ki COVID-19 komesa?

Ainda bu podi pidi asisténsia ku renda y/ô konta di servisus públiku. Ka ten ezijénsia di un periudu spesifiku di rezidénsia na bu kaza arendadu atual.

Y si N ka tiver un enderesu di e-mail?

Pur favor txoma Gabineti di Stabilidadi Abitasionsal pa prienxi un kandidatura via tilifóni.

**Ta ezisti un formuláriu di kandidatura na papel ô ôtu forma di kandidata?**

Na momentu, ka ten nenhum kandidatura na papel pa Fundu di Alíviu pa arendamentu. Si bu tiver difikuldadi pa prienxi formuláriu online, Pur favor txoma Gabineti di Stabilidadi Abitasional (Office of Housing Stability) pa konpleta via telefóni. Si bu tiver asesu a un dispozitivu móvel, ma bu ka tiver asesu a Internet, vizita un di kes lokal públiku di sidadi ku wi-fi. Txeu filial di Biblioteka Públiku di Boston (Boston Public Library) ta oferesi atualmenti wi-fi gratuito na ar livri:

- Brighton
- Codman Square
- Connolly
- East Boston
- Egleston Square
- Grove Hall
- Honan-Allston
- Hyde Park
- Lower Mills
- Mattapan
- Parker Hill
- Roxbury
- South End
- West Roxbury

Biblioteka Públiku di Boston tanbén ten pontus di asesu WiFi disponível pa enpréstimu (mas informason [ali](#)) y ta oferesi ajendamentus di asesu pa konputador público na Biblioteka Sentral na Copley Square (mas informason [ali](#)).

Kuzê ki ta kontesi dipos ki N manda nha kandidatura?

Bu stá ta bai resebi un e-mail ta konfirma ki bu kandidatura foi mandadu. Dipos di mandadu bu kandidatura stá ta bai ser analizadu di pa konfirma si el stá konpletu. Dipos di un análizi inisial, bu kandidatura stá ta bai ser atribuídu pa un ajénsia parseru. Un Jestor di kazu na ajénsia dezignadu stá ta bai entra en kontaktu ku bô y bu proprietario/administrador di propriedadi pa kalker dokumentu ô informason adisional ki podi ser nesesariu pa konpleta bu kandidatura.

Si bu ka resebi e-mail di konfirmason dipos di manda bu kandidatura, pur favor torna mandá-l.

**Y si N resebi un notifikason ma amin ka stá kualifikadu, ma N ta akredita ma stá kualifikadu?**

Bu e-mail di notifikason stá ta bai inklui un vizon jeral di dokumentason ki bu podi fornesi pa verifika kualifikason. Pur favor manda es dokumentus di verifikasi pa Gabineti di Stabilidadi Abitasional (e-mail: RRF@boston.gov) dentu di 5 dia dipos di resebi notifikason ki ta fla ma bu ka stá kualifikadu.

Kuzê ki N ta devi fazi si N persebi ma N kometi un eru na nha kandidatura?

Pur favor manda un e-mail pa rrf@boston.gov sobri kalker alterason na bu kandidatura. Si bu kandidatura foi atribuídu pa un ajénsia parseru, entra en kontaktu ku Jestor di kazu atribuidu.

Y si nha proprietariu di kaza ka respondi ô ka kizer partisipa na es programa?

Na situason en ki proprietáriu ka respondi ô ka kizer partisipa, finansiamentu podi ser uzadu pa siginti:

- Kauson pa garanti novus abitason na Sidadi di Boston
- Renda di primeru/últimu mes pa garanti novus abitason na Sidadi di Boston
- Despezas di mudansa pa garanti novus abitason na Sidadi di Boston

PERGUNTAS DIVERSUS

Di kal forma es programa é finansiadu?

Sidadi di Boston y Departamentu di Dezenvolvimentu di Bairu (Department of Neighborhood Developmen) stá ta uza fundus federal pa Fundu di Alíviu pa arendamentu.

Kal proteston legal ta ezisti pa inkilinus afetadu pa eventus relacionadu ku COVID-19?

Sentru di Kontrolu di Doensas (Centers for Disease Control - CDC) emiti un adiamantu di despeju federal ki bu podi stá kualifikadu pa el. Mas informason y formuláriu di deklarason obligatóriu ki ta menciona pedidu podi ser atxadu [ali](#).

Si bu resebi un notifikason legal di bu proprietariu ta pidi pa bu dizokupa kaza arendadu, pur favor vizita es [página di internet](#) pa konsigi asisténsia juridiku.

OHS ten konpromisu di garanti ma inkilinus di Sidadi di Boston ta ten asesu a tudu rekursu legal disponivel y ta insentiva inkilinus vizita [boston.gov/housingstability](#), entra en kontaktu ku nós skritóriu na 617-635-4200 ô e-mail housingstability@boston.gov ku tudu perguntas.

Pagamentus di stimulu é kontabilizadu na forma di rendimentu familiar?

Naun, kes xeki di stimulu doméstiku ka é inkluidu na kalkulu di rendimentu.

**Pamodi ki bu stá ta kontrola informason di rasa y etnia?**

Is é pedidu pa Governu Federal pa garanti nôs konformidadi ku lei di igualdadi di oportunidadi di kréditu, abitason justu y divulgason di ipoteka rezidensial. Bu ka é obrigadu fornesi es informason, ma bu é insentivadu na fazê-l. Pa rasa, bu podi marka mas ki un dezignason. Si bu ka ta deseja fornesi es informason, marka kaixa apropiadu.

Kuzê ki é duplikason di benefisiu ô kuzê ki ta significa si N tiver resebidu asisténsia pa renda na ôtu lugar?

Fundu di Alíviu pa Arendamentu ka podi ser utilizadu pa kubri renda y/ô asisténsia pa servisus públiku ki djá foi kubertu pa ôtus fontis di finansiamentu. Si djá bu kandidata ô bu stá ta plania kandidata pa konsigi asisténsia di ôtus fontis, bu pididu di asisténsia pa arendamentu através di es fundu devi kubri differentis mês di servisu. Pur izenplu, si djá bu resebi/pidi asisténsia pa renda di ôtus fontis pa marsu y abril, bu pididu pa es fundu ka podi inklui es mês la.

Asisténsia di Fundu di Alíviu pa Arendamentu é konsideradu un benefisiu pa testi di enkargus públiku?

Naun, Fundu di Alíviu pa arendamentu stá disponível sô pa inkilinus di Sidade di Boston. Asisténsia di Fundu di Alíviu pa Arendamentu ka é un di kes benefisiu “monetariu” ô “naun monetariu” listadu na regra di enkargus públiku.

Gabineti di Prezidenti di kamara pa Progresu di Imigrantis (The Mayor's Office for Immigrant Advancement) ten un già di rekursus, independentimenti di situason di imigrason, na boston.gov/immigrants. Tanbe nu ta stimula rezidentis preokupadus ku testi di kobransa públiku konekta ku Servisus Juridikus di Grandi Boston (Greater Boston Legal Services) através di 617-371-1234 y Institutu di Reforma Legal di MA (MA Law Reform Institute) através di 617-357-0700.

N perdi empregu por kauza di COVID-19, di kal forma un podi solisita subsidiu di dezenpregu?

Si ainda bu ka tiver kandidatadu pa asisténdia-pa-dizenpregadu, konsulta pájina di internet di Mass.Gov pa [Informason importantis sobri empregu](#) pa kandidata. Forma mas rapidu é kandidata online, ma si bu mesti di djuda, tanbe bu podi prienxi formuláriu di kontaktu [ali](#) ô txoma pa 617-626-6800 ô 877-626-6800 (Asisténsia na spanhol y portugêz disponivel). Ten tanbe un [gia pasu a pasu](#) sobri forma ki ta kandidatadu. Na es (FAQs) [Perguntas frequentis pa kandidatus di empregu](#), bu podi atxa mas sobri spanson di subsidiu di dizenpregu através di Lei CARES pa kubri trabadjadoris autónomu, kontratantis independentis, trabadjadoris "gig" (ô seja, motoristas di karus konpartilhadu) y ôtus.